

Miljø, Teknisk, Næring

Kjell Olstad
Øverlisvegen
2686 LOM

Delegert vedtak

Vår ref
630/2013/

Dykkar ref:

Saksbehandler
Sander Sælthun

Dato
05.02.2013

Saka gjeld: Løyve til motorferdsel i utmark; transport av ved og propan til bu ved Honnsjoen, Ottadalen LVO - Kjell Olstad.

Saksopplysning:

Kjell Olstad søker Nasjonalparkstyret for Reinheimen om løyve til å transportere ved og propan med snøskuter til bua han har ved Honnsjøen, Ottadalen LVO. Han vil nytte leigekjører Kjetil Sveine til transporten.

Nasjonalparkstyret for Reinheimen er ikkje konstituert, og såleis ikkje i funksjon enno. Søknaden blir derfor behandla av Lom kommune som forvaltningsmyndigheit.

I verneforskriftene for Ottadalen landskapsvernområde § 3 finst følgjande heimel for løyve:

5. *Motorferdsel*

5.3. *Forvaltningsstyresmakta kan gje løyve til:*

- b) *Nødvendig transport av ved, materialar eller varer til buer og hytter, utkøyring av båt og nødvendig motorferdsel i samband med snømålingar o.l. på snødekt mark langs etablerte traséar eller ved lufttransport.*

Jamfør også forvaltningsplan for Reinheimen, punkt 10.9.2.

Vurdering:

I verneforskrift for landskapsvernområdet er det heimel for løyve til transport av ved, materialar og varer til hytter. Snøskutertransport i avgrensa omfang vi normalt ikkje vere til skade for miljø- og naturverdiar når den blir gjennomført på ein omsynsfull måte.

Postadresse
Sognefjellsvegen 6
2686 Lom
E-post: post@lom.kommune.no

Besøksadresse
Midtgard
www.lom.kommune.no

Telefon
61217300

Bank
2085.07.00010
Org.nr
959377677



Søknaden er vurdert etter dei miljørettslege prinsipp i Naturmangfaldlova § 8–12:

§ 8 - kunnskapsgrunnlaget: På bakgrunn av kunnskapsinnsamling i samband med verneplanprosessen for Reinheimen er kunnskapsgrunnlaget for området godt. Ut frå denne kunnskapen er det ikkje sannsynleg at løyvet vil påverke naturmangfaldet i området.

§ 9 - føre-var prinsippet: Kunnskapsgrunnlaget er godt. Med dei vilkår som er sett er det ikkje sannsynleg at løyvet vil medføre risiko for irreversibel skade på naturmangfaldet.

§ 10 - samla belastning for økosystemet: Høgfjellsområdet ved Honnsjøen/ Liafjellet er viktig trekk- og beiteområde for villreinsbestanden i Ottadalen nord villreinområde. Motorferdsel her må derfor haldast på eit minimum. Med dei vilkår som er sett i vedtaket blir samla belastning i området ikkje vurdert som skadeleg for økosystemet.

§ 11 – kostnader ved miljøskade: Blir vurdert som lite relevant når det gjeld denne søknaden.

§ 12 - miljøforsvarlege teknikkar, driftsmetodar og lokalisering: Snøskuter er i dei aller fleste tilfelle den mest effektive måten å gjennomføre nødvendig transport til veglause buer/ hytter i verneområdet.

Transporten blir til lite eller ingen ulempe for andre brukarinteresser, og er ikkje i konflikt med formålet med vernet eller med føresegner til kommunedelplan for motorferdsel i Lom kommune.

Vedtak med grunningjeving:

Kjell Olstad får løyve til å transportere ved og varer med snøskuter til bua han har ved Honnsjøen i Ottadalen landskapsvernområde. Løyvet blir gjeve på følgjande vilkår:

- Løyvet gjeld for 1 tur frå Lia i Lom til Kjell Olstad si hytte ved Honnsjøen.
- Transporten skal gjennomførast før 22. mars 2013.
- Køyring både i og utanfor verneområdet skal avgrensast til det strengt nødvendige, og all køyring skal skje på ein omsynsfull måte slik at det ikkje skadar vegetasjon eller unødig uroar dyrelivet. Transporten skjer i eit viktig område for villreinen. Om det er villrein i området må det takast særskilt omsyn ved val av køyrerute, slik at den ikkje blir uroa.
- Så langt som råd skal same køyrespor nyttast inn og ut av området. Avvik frå trasé for å unngå forstyrning av villrein kan akseptast.
- Godkjent leigekjører for området (Kjetil Sveine, tlf. 91542620) skal nyttast for å gjennomføre transporten.
- Det skal førast køyrebok, som skal fyllast ut på førehand og vere med køyretøyet under transporten. Kopi av køyrebok skal sendast kommunen innan 5. juni 2013.

SNO ved Per Olav Haugen (tlf. 97 05 72 13)/ oppsyn i Finndalen statsallmenning Erling Dagsgard (tlf. 90 99 94 96) skal varslast om transporten på førehand, og vil gje nærare rettleiing om det må takast særlege omsyn til villreinen.

Løyve blir gjeve med heimel i planføresegner til kommunedelplan for motorferdsel i Lom kommune punkt 4.11 og verneforskrift for Ottadalen landskapsvernområde § 3 punkt 5.3 b). Løyvet blir gjeve på bakgrunn av at transporten ikkje vil ikkje kome i konflikt med dei omsyn som kommunedelplanen eller verneforskriftene skal ivareta.

Vedtaket kan klagast til Direktoratet for naturforvaltning. Klaga skal sendast skriftleg til Lom kommune. Gje opplysning om vedtaket det blir klaga over, den eller dei endringane du ynskjer, og dei grunnane du vil leggje til grunn for klaga. Klagefristen er 3 veker rekna frå den dagen brevet kom fram til adressaten. Klaga må vera postlagt innan fristens utløp. Dersom du klagar så seint at det kan vere tvil om du har klaga i rett tid, må du og opplyse når denne meldinga kom fram.

Med helsing



Sander Sælthun

Kopi til:

Kontaktutvalet for Reinheimen	pr. e-post
Direktoratet for naturforvaltning	pr. e-post
Fylkesmannen i Oppland, Miljøvernavdelingen	pr. e-post
Finndalen Fjellstyre	pr. e-post
SNO v/ Per Olav Haugen	pr. e-post
Fjellospsyn Erling Dagsgard	pr. e-post
Villreirutvalet for Ottadalsområdet	pr. e-post
Villreinnemnda for Ottadalen	pr. e-post